

PK-XГУ<sub>1</sub>

Belin de  
Ballu  
459591





XIV VII

7  
—  
122




✓ 665

X 100

v 45

1934



БИБЛІОТЕКА  
І. І. СОКОЛЬСКАГО.

CHRESTOMATHIA POETICA  
SIVE  
ECLOGAE  
POETARUM LATINORUM  
IN USUM STUDIOSAE  
JUVENTUTIS ROSSICAE.

EX DECRETO

CAESAREAE UNIVERSITATIS  
CHARCOVIANAE.

2800

*Curavit, notulisque illustravit*

JACOBUS NICOLAUS BELIN DE BALLU  
*Litterarum Graecarum et Gallicarum*  
*Professor P. O.*

PARS I.



CHARCOVIAE,  
TYPIS UNIVERSITATIS, 1809.

БІБЛІОТЕКА ВАЛЮСЯ  
БІБЛІОТЕКА ХДУ

---

*Permittente Collegio, penes Caesaream Universitatem  
Charcoviensem, ad censendos libros, constituto.*

---

---

## PROOEMIUM.

**C**um perrara sint in Rossia Latinorum scriptorum exemplaria, operaे pretium duximus, si, Chrestomathiam poeticam, id est, selectissima Romanorum poetarum loca, Rossicae Juventuti praeberemus; ut facilius linguae latinae studio incumberet. Ea nobis cura fuit in seligendis locis, cujusque autoris delibare flores, et studiosae juventi imitandos propone-re. Ne quis miretur quod in Comicae scenae auto-res paulo prolixiores fuimus; hoc nobis fuit consilium ut familiaris sermonis latini exquisitissimam normam juventus haberet; cuius sermonis usus in Rossia perutilis, immo saepe necessarius est, praesertim cum advenis has horas frequentantibus nec linguam Rossicam gnaris. Animadversiunculas in omnes hujus collectionis autores adjectimus, praecipue in Plauti excerpta, quia multa sunt apud istum poetam veterem et scenaे Romanae patrem, quae interpretatione indigeant, non solum propter vetustiores linguae for-mas, sed et ob jocos et facetias quas a Graecis mu-tuatus est, et quae vix sine Graecae linguae cogni-tione intelligi possunt. Terentii integrum comoediam

*Phormionem protulimus, ut juvenes facilius dis-  
cant quae sit veterum ratio in scribendā Comaediā.  
Caeterū accuratissimas secuti sumus editiones, sci-  
licet Bipontinas utriusque Comici, Virgiliī Heynia-  
nam, Horatii Mitscherlichianam, Lucretii Eichstaed-  
tianam, Juvenalis Rupertianam. Accentus reponi cu-  
ravimus, qui in libris classicis non sine magno tyro-  
num incommodo obmittuntur. Nihil denique obmisi-  
mus quod ad juventutis studiosae labores adjuvan-  
dos utile visum sit. Nostro qualicunque labore, Lec-  
tor, fruare, ac studio fave.*

---

---

EX

M. ACCII PLAUTI  
AMPHITRUONE.

---

DRAMATIS PERSONÆ.

MERCURIUS.

NAUCRATES.

AMPHITRUO.

BROMIA, *Ancilla Amphitruo*

SOSIA, *servus Amphitruonis.* truonis

ARGUMENTUM.

**I**n faciem vorsus Amphitruonis Jupiter,  
(Se reducem simulat, hostibus victis, domum,  
Homo inter homines gestiens viderier,  
Civem agit in terris, et sibi ludos parat)  
Dum bellum Amphitruo cum Telebois gerit.  
Mercurius formam Sosiae servi (induit)  
Absentis. Ubi adsunt veri Amphitruo et Sosia;  
Uterque luduntur dolis mirum in modum.  
Hinc permiscetur tota jurgiis domus.  
10. Donec cum tonitru voce missâ ex aethere,  
(Joci auctorem) se Jupiter confessus est.

---

EX PROLOGO.

MERCURIUS. v. 94.

Hanc fabulam hic Jupiter hodie ipse aget:  
Et ego una eum illo. Nunc vos animum advortite,

Haec urbs est Thebae: in illisce habitat aedibus  
 Amphitruo, natus Argis ex Argo patre,  
 Quicum Alcumena est nupta Electri filia.

Is nunc Amphitruo praefectus est legionibus:  
 Nam cum Telebois bellum est Thebano poplo.  
 Jam ego vos novisse credo, ut sit pater meus;

## 20. In Amphitruonis vortit sese imaginem.

Omnesque eum esse censem servi, qui vident;

Ita versipellem se facit quando lubet.

Ego servi sumsi Sosiae mihi imaginem,

Qui cum Amphitruone abivit hinc in exercitum.

Nunc hodie Amphitruo veniet huc ab exercitu;

Et Sosia servus, cuius ego hanc fero imaginem:

Sed illic est Sosia.

A portu illic nunc cum laternâ huc advenit;

Abigam ego illunc advenientem ab aedibus.

*Act. I. Scen. I.*

*SOSIA, MERCURIUS.*

30. *Sos.* Qui me alter est audacior homo? aut qui me confidentior,

Juventutis mores qui sciām, qui hoc noctis solus ambulem?

Quid faciam nunc, si tres-Viri me in carcerem compegerint,

Inde quasi e promtuariâ cellâ depromar ad flagrum:

Nec caussam liceat dicere mihi: neque in hero quicquam auxilii siet,

Nec quisquam sit, quin me omnes esse dignum putent: ita

Quasi incudem me miserum homines octo validi cedant: ita

- Peregre adveniens hospitio publicitus accipiar.  
 Haec heri inmodestia coegit me, qui hoc  
 Noctis a portu ingratiis excitavit.
- 4o. Nonne hoc idem luci me mittere potuit?  
 Quam miser est divitis servos!  
 Ipse dominus dives, operis et laboris exp̄s,  
 Quodcumque homini accidit, libere posse retur:  
 Aequom esse putat: non reputat laboris quid sit:  
 Nec, aequom, anne iniquum imperet, cogitabit,  
 Ergo in servitute expetunt multa iniqua.  
 Habendum, et serendum hoc onus est cum labore.  
 Numerò mihi in mentem fuit,  
 Diis advenientem gratias pro meritis agere, atque al-  
 loqui.
- 5o. Nae, illi aedepol, si merito meo referre studeant gratias,  
 Aliquem hominem allegent, qui m̄ aduenienti os oc-  
 cillet probe;  
 Quoniam bene quae in mē fecerunt, ingrata ea habui,  
 atque irrita.  
 Quod nunquam opinatus fui, neque alias quisquam  
 civium  
 Sibi eventurum, id contigit, ut salvi potiremur domum,  
 Victores, victis hostibus, legiones reveniunt domum;  
 Duello extincto maxumio, atque internecatis hostibus,  
 Quod multa Thebano populo acerba objecit funera.  
 Id, vi et virtute militum, victum, atque expugnatum  
 oppidum est,  
 Imperio, atque auspicio heri mei Amphitruonis ma-  
 xume,
- 6o Praedā, atque agro, adorēaque affecit populares suos:  
 Regique Thebano Creonti regnum stabilivit suum.  
 Me a portu praemisit domum, ut haec nūnciem uxori  
 suae:

Ut gesserit rem publicam daetu, imperio, auspicio suo.  
Ea nunc meditabor, quo modo illi dicam, quom illò  
advenero.

Si dixero mendacium, solens meo more fecero:  
Nam quom illi pugnabant maxume, ego tum fugiebam  
maxume.

Verumtamen, quasi affuerim, simulabo, atque audita  
eloquar.

Sed, quo modo, et verbis quibus me deceat fabularier,  
Prius ipse mecum volo hic meditari.

70. (Haec laterna siet Alcumena) Sic hoc proloquar.

Principiò, (Hera); ut illò aduenimus, ubi primùm ter-  
ram tetigimus,

Continuò Amphitruo de legit viros primorum principes:  
Eos legat. (Bene incoptas, Sosia; perge proloqui;  
optime),

Eos legat, (inquam): Telebois jubet sententiam ut  
dicant suam.

Si sine vi, et sine bello velint raptata, et raptores tra-  
dere.

Si, quae asportassent, redderent, se exercitum extem-  
plò domum

Reducturum, abituros agro Argivos, pacem, atque  
otium

Dare illis. Sin aliter sient animati, neque dent quae  
petat;

Sese igitur summâ vi, virisque eorum oppidum expug-  
nassere.

80. Respondent, bello et se, et suos tutari posse: pro-  
inde uti

Properè de finibus suis exercitum deducerent.

Haec ubi Legati pertulere, Amphitruo castris illicò  
Producit omnem exercitum. (Fit flrepitus.)

Sine. Formido malec. Quidnam audio? Nimis jam longa  
est narratio.

In aedibus nostris tutius pergam meditarier.)

v. 107. Mer. Atat illuc huc ituru'st: ibo ego illi ob-  
viam.

Neque ego hunc hominem hodie ad aedis has sinam  
unquam accedere.

Quando imago 'st huius in me, certum'st hominem  
eludere.

Etenim verò quoniam formam cepi huius in me, et  
statim,

90. Decet et facta, moresque huius habere me similis item,  
Itaque me malum esse oportet, callidum, astutum ad-  
modum,

Atque hunc, telo suo sibi, malitiā a foribus pellere.  
Sed quid illuc est: Coelum adspectat: obseruabo quam  
rem agat.

Sos. Certè aedepol scio. si aliud quicquam est quod  
credam, aut certo sciam,

Credo ego hac noctu Nocturnum obdormivisse ebrium:  
Nam neque se Septentriones quoquam in coelo com-  
moyent:

Neque se Luna quoquam mutat, atque uti exorta 'st  
semel.

Nec Iugulae, neque Vesperugo, neque Vergiliae occi-  
dunt;

Ita statim stant signa; neque nox quoquam concedit die:

100. Neque ego hâc nocte longiorem me vidisse censeo;  
Nisi item unam, verberatus quam pependi perpetem.  
Eam quoque aedepol etiam multò haec vicit longi-  
tudine.

Credo aedepol equidem dormire Solem atque adpotum  
probe.

Mira sunt, nisi invitavit sese in coenâ plusculum.

*Mer.* Ain' verò verbero? Deos esse tui similis putas?

Ego pol te istis tuis pro dictis et malefactis, furciser,  
Accipiam; modò sis veni huc, inuenies infortunium.

*Sos.* Ibo. ut herus quod imperauit, Alcumeneae nunciem.

Sed quis est hic homo, quem ante aedeis video hoc  
noctis? non placet.

110. *Mer.* Nullus est hoc meticulosus aequa. *Sos.* Quem?  
in mentem venit,

Illic homo hoc denuo volt pallium detexere.

*Mer.* Timet homo: deludam ego illum. *Sos.* Perii: den-  
tes pruriunt:

Certè advenientem me hic hospitio pugnae acceptu-  
ru'st:

Oppido interii: obsecro hercle quantus, et quam vali-  
dus est?

*Mer.* Clare aduorsum fabulabor; hic auscultet quae lo-  
quar:

Igitur magis modum in maiorem in se concipiet me-  
tum.

Agite, pugni: iam diu'st quòd ventri victum non datis:  
Iam pridem videtur factum, heri quòd homines quatuor  
In soporem coulocastis nudos. *Sos.* Formido male.

120. Ne ego hic nomen meum commutem, et Quintus fiam  
e Sosia.

Quatuor viros sopori se dedisse hic autumat.

Metuo ne numerum augeam illum. *Mer.* Hem! nunc  
iam ergo: sic colo.

*Sos.* Cingitur; certe expedit se *Mer.* Non feret, quin  
vapulet:

*Sos.* Quis homo? *Mer.* Quisqnis homo huc profectò  
venerit, pugnos edet.

Haud malum huic est pondus pagno.

Sos. Perii: pugnos ponderat. Mer. Gestiunt pugni mihi.

Sos. Si in me exerciturus, quae<sup>s</sup>o, in parietem ut primū domes.

Mer. Certe enim hic nescio quis loquitur. Sos. salvos sum: non me videt:

Nescio quem loqui autumat: mihi certō nomen Sosia 'st  
130. Mer Optume, eccum incedit ad me, Sos. Timeo: totus torpeo:

Non aedepol nunc ubi terrarum sim scio, si quis roget:  
Neque miser me commovere possum p<sup>r</sup>ae formidine.

Illacet, mandata heri perierunt unā et Sosia.

Verum certom 'st confidenter hominem contra conloqui;  
Qui possim videri huic fortis, a me ut abstineat manū.

Mer. Quò ambulas, tu, qui Volcanum in cornu conclusum geris?

Seruos es ne, an liber? Sos. Utcunque animo conlibitum est meo.

Mer. Ain' vero? Sos. Aio enimvero. Mer. Verbero.  
Sos. Mentiris nunc iam.

Mer. At iam faciam ut verum dicas dicere. Sos.  
Quid eo est opus?

140. Mer. Possum scire quò profectus, quojus sis, aut quid  
veneris?

Sos. Huc eo, Heri mei s<sup>n</sup>m seruos. Numquid nunc  
es certior?

Mer. Ego tibi istam hodie scelestam comprimam lin-  
guam. Sos. Haud potes.

Bene, pudiceque asseruatur. Mer. Pergin' argutarier?  
Quid apud hasce aedis negoti 'st tibi? Sos. Immo  
quid est tibi.)

Mer. Rex Creo vigiles nocturnos singulos semper  
locat.

*Sos.* Bene facit, quia nos eramus peregrē: tutu'st domum.

*At* nunc abi sane, advenisse familiaris dicit.

*Mer.* Nescio quam tum familiaris sis, nisi actutūm hinc abis,

Familiaris accipere faxo haud familiariter.

150. *Sos.* Hic, inquam, habito ego, atque horunc servos sum. *Mer.* At scin' quomodo?

Faciam ego hodie te superbū, nisi hinc abis? *Sos.* Quonam modo?

*Mer.* Auferere, non abibis, si fustem sumsero.

*Sos.* Quin me huius esse familiae familiarem praedico.

*Mer.* Vide sis, quam mox vapulare vis, nisi actutūm hinc abis.

*Sos.* Tun' domo prohibere peregrē me advenientem postulas?

*Mer.* Haeccline tua domu'st? *Sos.* Ita, inquam. *Mer.* Quis Herus igitur est tibi?

*Sos.* Amphitruo, qui nunc praefectu'st Thebanis legiōnibus,

Quīcum nupta est Alcumena. *Mer.* Quid ais? Quod nomen tibi est?

*Sos.* Sosiam vocant Thebani, Davo prognatum patre.

160. *Mer.* Nae tu isthuc hodie malo tuo, compositis mendaciis

Advenisti, audacie column, consutis dolis.

*Sos.* Immo quidem tunicis consutis luc aduenio, non dolis.

*Mer.* At mentiris etiam: certò pedibus, non tunicis venis.

*Sos.* Ita profectò. *Mer.* Nunc profectò vapula ob mendacium.

*Sos.* Non aedopol volo profectò. *Mer.* At pol profectò ingratitiis.

Hoc quidem profectò certum' st, non est arbitrium.

Sos. Tuam fidem obsecro. Mer. Tun' te audes Sosiam esse dicere,

Qui ego sum? Sos. Perii. Mer. Parum etiam, prae ut futurum'st, praedicas.

Quoius nunc es? Sos. Tuus: Nam pugnis usu fecisti tuum;

170. Proh fidi Thebani ciues! Mer. Etiam clamas, carnifex?

Eloquere, quid venisti? Sos. Ut essem quem tu pugnis caederes.

Mer. Quoius es? Sos. Amphitruonis, inquam, Sosia.

Mer. Ergo istoc magis.

Quia vaniloquos, vapulabis: Ego sum, non tu, Sosia.

Sos. Ita dii faciant, ut tu potius sis, atque ego te ut verberem!

Mer. Etiam muttis? Sos. Iam tacebo. Mer. Quis. tibi heru'st? Sos. Quem tu voles.

Mer. Quid igitur? qui nunc vocare? Sos. Nemo, nisi quem iusseris.

Mer. Amphitruonis te esse aiebas Sosiam? Sos. Pecaveram;

Nam Amphitruonis socium me esse volui dicere.

Mer. Scibam eqnidem nullum esse nobis, nisi me servom Sosiam.

180. Fugit te ratio Sos. Utinam istuc pugni fecissent tui.

Mer. Ego sum Sosia ille, quem tu dudum esse aibas mihi.

Sos. Obsecro per pacem liceat te alloqui, ut ne vapulem.

Mer. Immo induciae parumper siant, si quid vis loqui.

Sos. Non loquar nisi pace factâ, quando pugnis plus vales.

*Mer.* Dicito, si quidvis, non nocebo? *Sos.* Tuae fidei credo?

*Mer.* Meae.

*Sos.* Quid, si salles? *Mer.* Tum Mercurius Sosiae iratus siet.

*Sos.* Animus advorte: nunc licet mihi liberè quid velim loqui.

Amphitruonis ego sum seruos Sosia, *Mer.* Etiam denuo?

*Sos.* Pacem feci, foedus feci, vera dico. *Mer.* Vapula,

190. *Sos.* Ut lubet, quod tibi lubet, fac, quoniam pugnis plus vales.

Verum ut ut es facturus, hoc quidem hercle haud reticebo tamen.

*Mer.* Tu me vivos hodie numquam facies, quin sim Sosia.

*Sos.* Certe aedepol tu me alienabis numquam quin noster siem.

Nec nobis praeter me alias quisquam 'st servos Sosia, Qui cum Amphitruone hinc unà ieram in exercitum.

*Mer.* Hic homo sanus non est. *Sos.* Quod mihi praedicas vitium, id tibi est.

Quid, malum! Non ego sum servos Amphitruonis Sosia? Nonne hac noctu nostra navis huc ex portu Persico Venit, quae me advexit? Nonne me huc herus misit meus?

200. Nonne ego nunc hic sto ante aedis nostras? Non mi est laterna in manu?

Non loquor? Non vigilo? Nonne hic homo me pugnis contudit?

Fecit hercle; nam etiam misero nunc malae dolent.

Quid igitur ego dubito? aut cur non introeo in nostram domum?

*Mer.* Quid, domum vestram? *Sos.* Ita enimvero.

*Mer.* Quin quae dixti modo,

Omnia ementitu's: equidem Sosia Amphitruonis sum:  
 Nam noctu hâc soluta est navis nostra e portu Persico:  
 Et ubi Pterela rex regnavit, oppidum expugnauimus:  
 Et legiones Teleboarum vi pugnando cepimus:  
 Et ipsus Amphitruo obturcavit regem Pterelam in  
 praelio.

**210.** *Sos.* Egomet mihi non credo, quom illaec autumare  
 illum audio:

Hic quidem certe, quae illic sunt res gestae, memo-  
 rat memoriter,

Sed quid aīs? Quid Amphitruoni a Telebois datum 'st?

*Mer.* Pterela rex qui potitare solitus est paterâ aureâ.

*Sos.* Elocutus est. Ubi patera nunc est: *Mer.*  
 In cistulâ.

Amphitruonis obsignata signo 'st. *Sos.* Signi dic quid  
 est?

*Mer.* Cum quadrigis sol exoriens: quid me captas,  
 carnufex?

*Sos.* Argumentis vincit, aliud nomen quaerendum 'st  
 mihi

Nescio unde haec hic spectavít. Iam ego hunc decipiam  
 probe.

Nam quod egomet solus feci, nec quisquam alius affuit  
**220.** In tabernaculo, id quidem hodie numquam poterit di-  
 cere.

Si tu Sosia es, legiones quom pugnabant maxume,  
 Quid in tabernaculo fecisti? victus sum, si dixeris.

*Mer.* Cadus erat vini; inde implevi hirneam. *Sos.*  
 Ingressu'st viam.

*Mer.* Eam ego, ut matre fuerat natum, vini eduxi meri.

*Sos.* Mira sunt, nisi latuit intus illic in illâc hirneâ,  
 Factum est illud, ut ego illic vini hirneam ebiberim  
 meri.

*Mer.* Quid nunc? Vincon' argumentis te non esse Sosiam?

*Sos.* Tu negas me esse? *Mer.* Quid ego ni negem, qui egomet siem?

*Sos.* Per Jonem iuro me esse: neque me falsum dicere.

230. *Mer.* At ego per Mercurium iuro tibi jouem non credere. Nam iniurato scio plus credet mihi, quam iurato tibi.

*Sos.* Quis ego sum saltem, si non sum Sosia? te interrogo.

*Mer.* Ubi ego Sosia nolim esse, tu esto sane Sosia.

Nunc quando ego sun, vapulabis, ni hinc abis ignobilis.

*Sos.* Certe aedepol quom illum contemplo, et formam cognosco meam,

Quemadmodum egb saepe in speculum inspexi, nimis simili'st moi.

Itidem habet petasum, ac vestitum: tam consimilis est atque ego:

Sura, pes, statura, tonsus, oculi, nasus, et labra, Malae, mentum, barba, collum, totus. Quid verbis opu'st?

240. Si tergum cicatricosum nihil hoc simili est similius.

Sed quom cogito, equidem certo idem sum, qui semper fui:

Novi herum, novi aedis nostras: sane sapio et sentio.

Non ego illi obtempero quod loquitur: pultabo foris.

*Mer.* Quo agis te? *Sos.* Domum. *Mer.* Quadrigas si nunc inscendas Jovis,

Atque hinc fugias, ita vix poteris effugere infortunium,

*Sos.* Nonne herae meae nunciare, quod herus meus jussit, licet?

*Mer.* Tuae, si quid vis nunciare, hanc nostram adire non sinam.

Nam si me irritassis, hodie lumbifragium hinc auferes.  
 Sos. Abeo potius. Di immortales, obsecro vostram fidem,  
 250. Ubi ego perii? ubi immutatus sum? ubi ego formam  
 perdidi?

An egomet me illic reliqui, si forte oblitus?

Nam hic quidem omnem imaginem, quae antehac fuerat, possidet.

Vivo fit, quod numquam quisquam mortuo faciet mihi.  
 Ibo ad portum, atque haec uti sunt facta, hero dicam  
 meo.

Nisi etiam is quoque me ignorabit; quod ille faciat  
 Jupiter.

Ut ego hodie, raso capite, calvos capiam pileum.

### *Ibid. S. II. et III.*

#### *M E R C U R I U S.*

Bene prospereque hoc hodie operis processit mihi.

Amovi a foribus maxumam molestiam.

Iam ille illuc ad herum quoniam Amphitruonem advenierit,

260. Narrabit servom hinc sese a foribus Sosiam  
 Amovisse, ille adeo illum mentiri sibi  
 Credet; neque credet hoc profectum, ut iusserat.  
 Erroris ambo ego illos et demissiae  
 Complebo, atque omnem Amphitruonis familiam:  
 Resciscet tamen rem omnem Amphitruo.

### *Act. II. Sc. I.*

#### *A M P H I T R Y O, S O S I A.*

*Amph.* Age, i tu secundum. *Sos.* Sequor, subsequor te.

*Amph.* Sclestissimum te arbitror. *Sos.* Nam quamnobrem?

*Amph.* Quia id quod neque est, neque fuit, neque futurum est,

Mihi praedicas. *Sos.* Eccere! jam tuatim  
270. Facis tu, ut tuis nulla apud te sit fides.

*Amph.* Quid est? Quo modo? jam quidem hercle ego  
tibi istam

Scelestam, scelus, linguam abscindam. *Sos.* Tuus sum.  
Proinde ut commodum est et lubet, quicquid facias;  
Tamen, quin loquar haec uti facta sunt hic,  
Numquam ullo modo me potes deterrere.

*Amph.* Scelestissime, audes mihi praedicare id,  
Domi te esse nunc qui hic ades? *Sos.* Vera dico.

*Amph.* Malum! quod tibi dii dabunt, atque ego hodie  
dabo.

*Sos.* Istuc tibi est in manu, nam tuus sum.  
280. *Amph.* Tun' me verbero audes herum ludifacere?  
Tun' id dicere audes; quod nemo unquam homo antehac  
Vidit, nec potest fieri, tempore uno  
Homo idem duobus locis ut simul sit.

*Sos.* Profecto, ut loquor, ita res est. *Amph.* Jupiter te  
perdat.

*Sos.* Quid mali sum, here, tuā ex re promeritus?  
*Amph.* Rogasne, improbe, etiam, qui ludos facis me?

*Sos.* Merito maledicas mihi, si id ita factum est.  
Verū hand mentior, resque nti facta, dico.

*Amph.* Homo hic ebrius est, ut opinor. *Sos.* Utinam  
ita essem!

290. *Amph.* Optas quae facta, *Sos.* Egone? *Amph.* Tu istic  
ubi bibisti?

*Sos.* Nusquam equidem bibi. *Amph.* Quid hoc sit ho-  
minis!

*Sos.* Evidem decies dixi.  
Domi ego sum, inquam.

Equid audis? et apud te assum Sosia idem.

Satin' hoc plane.

Satin' diserte, here, nunc videor tibi locutus

Esse. Amph. Vah, apage te a me. Sos. Quid est negoti?

Amph. Pestis te tenet. Sos. Nam cur istuc dicis?

Equidem valeo, et salvos sum recte, Amphitruo.

300. Amph. At te faciam hodie, proinde ac meritus es,

Ut minus valeas, et miser sis,

Salvos domum, si rediero jam

Sequere sis, herum qui ludificas dictis delirantibus:

Qui quoniam herus quod imperavit, neglexisti persequi,

Nunc venis etiam ultro irrigum dominum: quae neque fieri

Possunt, neque fando unquam accepit quisquam, profers carinifex.

Quoius ego hodie in tergo faxo ista expetant mendacia.

Sos. Amphitruo, miserruma istaec miseria est servo bono,

Apud herum, qui vera loquitur, si id vi verum vincitur

310. Amph. Quo id malum, pacto potest, (nam mecum argumentis puta)

Fieri, nunc uti tu hic sis et domi? id dici volo.

Sos. Sum profecto et hic et illuc. Hoc quoivis mirari licet.

Neque tibi istuc mirum magis videtur, quam mihi Amphitruo.

Amph. Quomodo? Sos. Nihilo, inquam, mirum magis tibi isthuc quam mihi:

Neque, ita me dii ament, credebam primò mihi me Sosiae,

Donec Sosia, ille egomet, fecit, sibi uti crederem:

Ordine omne uti quidque actum est, apud hostes dum sedimus,

*Edissertavit: tum formam unā abstulit cum nomine.*

*Neque lac lacti magis est simile, quam ille ego simil' est mei.*

320. *Nam ut dudum ante lucem a portu me praemisisti domum.*  
*Amph. Quid igitur? Sos. Prius multo ante aedis sta-  
 bām, quam illo adveneram.*

*Amph. Quas, malum! nugas? Satin' tu sanus es? Sos.  
 Sic sum, ut vides.*

*Amph. Huic homini nescio quid est mali mala ob-  
 jectum manū.*

*Postquam a me abiit. Sos. Fateor, nam sum obtusus  
 pugnis pessume.*

*Amph. Quis te verberavit? Sos. Egomet memet, qui  
 nunc sum domi.*

*Amph. Caeve quicquam, nisi quod rogabo te mihi  
 responderis.*

*Omnium primum, iste qui sit Sosia, hoc dici volo.*

*Sos. Tuus est seruos. Amph. Mihi quidem uno te  
 plus etiam est, quam volo.*

*Neque postquam sum natus? habui nisi te servom  
 Sosiam.*

330. *Sos. At ego nunc, Amphitruo, dico; Sosiam servom  
 tuum,*

*Praeter me, alterum, inquam, adveniens faciam ut of-  
 fendas domi*

*Dauo prognatum patre, eādem quā ego sum formā,  
 aetate item*

*Quā ego sum. Quid opu'st verbis? Geminus Sosia hic  
 factu'st tibi.*

*Amph. Nimia memoras mira, sed vidistin' uxorem  
 meam?*

*Sos. Quin introire in aedis numquam licitum est?  
 Amph. Quis te prohibuit?*

*Sos.* Sosia ille quem iamdudum dico, is qui me contudit.

*Amph.* Quis istic Sosia? *Sos.* Ego, inquam. Quotiens dicendum est tibi?

*Amph.* Sed quid ais? Num obdormivisti dudum?

*Sos.* Nusquam gentium.

*Amph.* Ibi forte istum si vidisses quendam in somnis Sosiam?

340. *Sos.* Non soleo ego somniculose heri imperia persequi. Vigilans vidi, vigilans nunc te video, vigilans fabulor. Vigilantem ille me jamdudum vigilans pugnis contudit,

*Amph.* Quis homo? *Sos.* Sosia. inquam, ego ille. quaeso, nonne intelligis?

*Amph.* Qui, malum, intellegere quisquam potis est? ita nugas blatis.

*Sos.* Verum actutum noscet. *Amph.* Quem? *Sos.* Illum noscet seruom Sosiam.

*Amph.* Sequere hac igitur me: nam mi istuc primum exquisito 'st opus.

Sed vide ex navi afferantur, quae iam imperavi omnia,

*Sos.* Et memor sum, et diligens, ut, quae imperes, compareant.

Non ego cum vino simitu ebibi imperium tuum.

350. *Amph.* Utinam Di faxint, infectâ dicta re eveniant tua!

### *Act. III. Sc. IV.*

*M E R C U R I U S.*

Concedite atque abscedite, omnes de viâ concedite:  
Nec quisquam tam audax nunc fuat homo, qui ob-  
viam obsistat mihi.

Ego sum Joui dicto audiens: eius iussu nunc **huc me affero.**

Nunc Amphitruonem **volt deludi** meus pater. **Faxo probe**

**Jam hic deludetur, spectatores, vobis spectantibus.**

Capiam coronam mī in caput: assimilabo me esse ebrium:  
Atque illuc sursum escendero: inde optume sic cispel-  
lam virum

**D**e supero, quum huc accesserit faciam, ut sit madidus  
sobrius.

Deinde illi actutum suffereret suus servos poenas Sosia.

360. **E**um fecisse ille hodie arguet, quae ego fecero hīc:  
quid id meā?

**M**eo me aequum est morigerum patri: ejus studio ser-  
vire addecet.

**S**ed ecce Amphitruonem: advenit: jam ille hīc delude-  
tur probē;

**S**i quidem vos voltis auscultando operam dare,

**I**bo intrō: ornatū capiam, qui potis decet;

**D**ein sursum ascendam in tectum, ut illum hinc pro-  
hibeam.

### *Act. IV. Sc. I.*

#### *AMPHITRUE.*

**N**aucratem quem convenire volui, in nauī non erat:  
Neque domi, neque in urbe invenio quemquam, qui  
illum viderit:

**N**am omnis plateas perreptavi, gymnasia, myropolia,  
Apud emporium, atqne in macello, in palestrā, atque  
in foro.

370. **I**n medicinis, in tonstrinis, apud omnis aedis sacras.  
Sum defessus quaeritando: nusquam invenio Naucratem.

Nunc ibo domum, atque ex uxore hanc rem pergam  
exquirere.

Sed aedis occluserunt: euge pae! feriam foris.

Aperite hoc. Heus, ecquis hic est? ecquis hoc aperit  
ostium?

---

*Ibid. Scen. II.*

*MERCURIUS, AMPHITRUO:*

*Mer.* Quis ad foris est? *Amph.* Ego sum.

*Mer.* Quid ego sum? *Amph.* Ita loquor. *Mer.* Tibi  
Jupiter;

Diique omnes irati certo sunt, qui sic frangas fores.

*Amph.* Quomodo? *Mer.* Eo modo, ut profecto vivas  
aetatem miser.

*Amph.* Sosia. *Mer.* ita, sum Sosia, nisi me esse oblitum  
existumas.

380. Quid nunc vis? *Amph.* Scelestè! at etiam quid velim;  
id tu me rogas?

*Mer.* Ita rogo. Pene effregisti, fatue, foribus cardines.

An foris censebas nobis publicitus praeberier?

Quid me aspectas, stolidè? quid nunc vis tibi? aut  
quis es tu homo?

*Amph.* Verbero! etiam quis ego sim me rogas? ul-  
morum acheruns?

Quem pol hodie ob isthaec dicta faciam ferventem  
flagris.

*Mer.* Prodigum te fuisse oportet olim in adulescentiâ.

*Amph.* Qui dum? *Mer.* Quia senectâ aetate a me men-  
dicas malum.

*Amph.* Cum cruciatu tuo isthaec hodie, verna, verba  
funditas.

*Mer.* Sacrifico ego tibi. *Amph.* Qui: *Mer.* Quia enim te macto infortunio.

390. *Amph.* Tun' me mactes, carnufex? nisi formam dii hodie meam perduint,

Faxo ut bubulis coriis onustus sis Saturni hostia.

Ita ego te certò cruce et cruciatu mactabo: exi foras, Mastigia. *Mer.* Larva umbratilis, tu me minis territas?

Nisi hinc actutum fugias, si denuo pultaveris,

Si minusculo digito increpuerint foris, hac tegulâ

Tuum deminuam caput, ut cum dentibus linguam excrees.

*Amph.* Tun' furcifer, meis procul prohibessis aedibus?

Tun' meas pultare foreis? hasce illico toto demoliar cardine.

*Mer.* Pergin'. *Amph.* Pergo. *Mer.* Accipe. *Amph.* Scelestè, in herum? si te hodie apprehendero,

400. Ad id redigam miseriarum, ut semper sis miser.

*Mer.* Bacchanal te exercuisse oportuit, senex.

*Amph.* Qui dum?

*Mer.* Quando tu me tuum seruom censes. *Amph.* Quid? censeo?

*Mer.* Malum tibi: praeter Amphitruonem, herum noui neminem.

*Amph.* Num formam perdidi? Mirum quin me norit Sosia.

Scrutabor, Eho dic mihi, quis videor? num satis Amphiiruo?

*Mer.* Amphitruo? sanus ne es: nonne tibi praedictum, senex,

Bacchanal te exercuisse, quom qui sis alium rogites?

Abscede moneo: molestus ne sies (amplius.)

*Amph.* Sosia. *Mer.* Quid malum, Sosia? *Amph.* Non me novisti, verbero?

410. *Mer.* Novi te hominem molestum, qui ne emas litigium. *Amph.* Adhuc.

*Amplius,* nonne ego heros sum tuus Amphitruo? *Mer.*  
Tu Bacchus es,

Haud Amphitruo: quotiens tibi dictum vis? num denuo?  
Si molestus sis, evades nunquam, quin te sacrificem.

---

*Ibid. Scen, III.*

*AMPHITRUO. (NAUCRATES) SOSIA.*

*Amph.* Di vostram fidem! quae intemperiae nostram  
agunt familiam! quae mira

Video, postquam aduenio peregre? nam verum'st quod  
olim est auditum

Fabularier, mutatos Atticos in Arcadiâ homines,  
Et saevas belluas mansitasse, nec umquam denuo pa-  
rentibus

Cognitos. *Nau.* Quid illuc Sosia? magna sunt, quae  
mira praedicas.

Ain' tu alterum te reperisse domi consimilem Sosiam?

420. *Sos.* Aio. Sed heus tu, quom ego Sosiam, quid scis an  
Tu forte alium Naucratem parias?

*Nau.* Mira profecto: sed gradus condecet grandire,  
nam ut video,

Expectat Amphitruo, et vacuus mihi venter crepitat.

*Sos.* Naucrates: *Nau.* Quid est? *Sos.* Nescio quid ma-  
li suspicor.

*Mau.* Quid? *Sos.* Vide sis: herus salutator opessulatas  
ante foreis graditur.

*Nau.* Nihil est, famem expectat obambulans. *Sos.* Curi-  
ose quidem!

*Nau.* Ogganis. *Sos.* Nec gannio, nec latro,

Si me audias, observes: nescio quid secum solus, puto;  
Rationes conligit: quid memoret, hinc excipiam: ne  
propera.

430. *Amph.* Ut metuo, ne, victis hostibus, Dii partam expun-  
gant gloriam!

Totam miris modis nostram video turbatam familiam.  
Sed id Sosiae factu'st operâ, qui me quoque pre-  
sentem ausit

Indignè praevertier. *Sos.* De me locutus, et quae ve-  
lim minus.

Hominem ne congregiamur, quaeso, priusquam stoma-  
chum detexerit.

*Nau.* Ut lubet. *Amph.* Si illum datur hodie mastigiam  
apprehendere, ostendam quid sit

Herum fallere, minis, et dolis incessere. *Sos.* Audin' tu  
illum? *Nau.* Audio.

*Sos.* Illaec machina meas onerat scapulas: compellemus  
sis hominem.

Scin' quid volgo dici solet? *Nau.* Quid dicturus sis,  
nescio:

Quid tibi patiundum, fere haridor. *Sos.* Vetu'st ada-  
gium: Fames, et mora.

440. Bilem in nasum conciunt. *Nau.* Verum quidem; e loco  
compellemus

Alacre. Amphitruo. *Amph.* Naueratem audio. Mirum  
quid ad me veniat.

*Nau.* (Quaeritas me, ut ajunt, postquam)

Misisti ad navim Sosiam, ut hodie tecum conviverem?

*Amph.* Nusquam factum gentium. Sed ubi illie sce-  
lestus?

*Nau.* Eccum illum. *Amph.* Ubi? *Nau.* Ante oculos:  
non vides?

*Amph.* Vix video p[re]e irâ: adeo me istic

Hodie delirum fecit. Ne te sacrificem, nunquam evades  
Sine me. *Nau.* Ausculta precor. *Amph.* Dic, avsculto:  
tu, vapula.

*Sos.* Quâ de re? num satis temporî? non ocios quivi,  
si me

450. Daedaleis tulisse remigiis. *Nau.* Abstine, quaeso non  
potuimus

Nostros grandius grandire gradus. *Amph.* Sive grallato-  
rius, sive

Testudineus fuerit, certum'st mihi hunc scelestum  
perdere.

En tectum; en tegulas; en obductas foris; en ludifica-  
tum herum;

En verborum scelus. *Nau.* Quid mali fecit tibi?  
*Amph.* Rogas? ex illo

Tecto exclusum foribus, me deturbauit aedibus. *Sos.*  
Egone?

*Amph.* Tu, quid minitabas te facturum, si istas pepu-  
lissem foris

Negas sceleste? *Sos.* Quin negem? en testis ampliter,  
quicun venio.

*Nau.* Amphitruo, mitte hunc meâ gratiâ,  
Et me audias. *Amph.* En mitto: quid vis, loquere.

*Nau.* Isthic jam dudum mihi

460. Maxuma memoravit mira. Praestigiator forte, aut  
veneficus

Hanc excantat tibi familiam: inquire aliunde: vide  
quid siet:

Nec ante hunc excruciatum miserum facias, quam rem  
intellegas. *Amph.* Recte mones: eamus.

---

*Act. V. Scen. I.**BROMIA, AMPHITR UO.*

*Brom.* Me miseram! quid agam nescio: corrupta sum:  
atque absunta sum;

*Caput* dolet: neque audio, nec oculis prospicio satis:  
*Strepitus, crepitus, sonitus, tonitrus!* ut subito, ut pro-  
pere, ut valide tonuit!

Sed quid hoc? quis hic est senex,

Qui ante aedis nostras sic jacet? numnam hunc per-  
cussit Jupiter?

Credo aedepol, nam proh Jupiter? sepultus est, quasi  
sit mortuus.

Ibo et cognoscam quisquis est. Amphitruo hic quidem  
est herus meus.

470. *Amphitruo?* *Amph.* Perii. *Brom.* Surge. *Amph.* Quis  
me tenet?

*Brom.* Tua Bromia ancilla. *Amph.* Totus timeo, ita  
me increpuit Jupiter:

Nec secus est, quam si ab Acherunte veniam: sed qui  
tu foras

Egressa es? *Brom.* Eadem nos formido timidas terro-  
re impulit

In aedibus, ubi tu habitas: nimia mira vidi: ita mihi  
animus etiam nunc abest.

*Amph.* Scin' me tuum esse herum Amphitruonem?

*Brom.* Scio. *Amph.* Vide etiam nunc. *Br.* Scio.  
*Amph.* Haec sola sanam mentem gestat meorum fa-  
miliarium.

*Bro.* Imo sani omnis; (verùm evolat hinc Jupiter

Voltus jocoso qui tuos mendacio

Sumsisse; tonitru ac fulgetris confessus est:

480. Parte aliâ nostri larvam exutus Sosiae

Os verum aperuit; et cachinnis ilia  
 Rumpens Mercurius subsecutus est patrem.  
 Mortalium ultra neuter oculis visus est.)  
*Amph.* Abi domum: iube vasa pura actutum adornari  
 mihi,  
 Ut Jovis supremi multis hostiis pacem expetam.  
 Plaudite.



## EX AULULARIA.

### DRAMATIS PERSONÆ.

<b>EUC LIO,</b> <i>Senex.</i>	<b>M E G A D O R U S.</b>
<b>S T A P H Y L A,</b> <i>Evclionis an-</i>	<b>A N T H R A X,</b>
<i>cilla.</i>	<i>et</i>
<b>L Y C O N I D E S,</b> <i>adolescens.</i>	<b>C O N G R I O,</b>
<b>S T R O B I L U S,</b> <i>Lyconidis ser-</i>	<i>etc.</i>
<i>vus.</i>	

### A R G U M E N T U M.

**A**ululam repartam auri plenam domi Euclio  
 Vi summâ servat, miseris affectus modis.  
 Lyconides istius (requirit) filiam.  
 Volt hanc Megadorus indotatam ducere.  
 490. Lubensque ut faciat, dat coquos cum obsonio,  
 Auro formidat Euclio; abstrudit foris.  
 Reque omni inspeetâ, Lyconidis servulus  
 Id surpit: Illic Euclioni rem refert.  
 Ab eo donatur auro, uxore et filio.

*Act. I. Scen. I.**EUCLIO, STAPHYLA.*

*Euc.* Exi, inquam, age exi. Exeundum hercle tibi est  
foras,

Circumspectatrix, cum oculis emissitiis.

*Sta.* Nam cur me miseram verberas? *Euc.* Ut misera sis,  
Atque ut dignam mala malam aefatem exigas,

*Sta.* Nam quā me nunc caussā extrusisti ex aedibus?

500. *Euc.* Tibi ergo reddam rationem, stimulorum seges?

Illuc regredere ab ostio; illuc sis. Vide, ut

Incedit! At scip' quomodo tibi res se habet?

Si hodie, hercle, fastem cepero, aut stimulum in manum;

Testudineum istum tibi ego grandibo gradum.

*Sta.* Utinam me divi adaxint ad suspendium  
Potius quidem, quām hoc pacto apud te serviam.

*Euc.* At at! scelestia secum murmurat?

Oculos hercle ego istos, improba, effodiam tibi,  
Ne me observare possis, quid rerum geram.

510. Abscede! etiam nunc: eliam nunc: etiam. Ohe:

Istic adstat: si hercle tu istoc loco

Digitum transvorsum, aut ungnem latum excesseris,

Aut si respexis, donicūm ego te jussero;

Continuò, hercle, ego te dedam discipulam cruci.

Scelestiorem me hac anu certe scio

Vidisse numquam. Nimisque ego hanc metuo male,

Ne mihi ex insidiis verba imprudenti dñit,

Neu persentiscat, aurum, ubi est absconditum;

Quae in occipitio quoque habet oculos, pessuma.

520. Nunc ibo ut visam, est ne ita aurum ut condidi;

Quod me sollicitat plurimis miserum modis.

*STAPHYLA sola*

Nec nunc mecastor quid hero ego dicam meo  
Malae rei evenisse, quamve insaniam,  
Queo conminisci; ita miseram me ad hunc modum  
Decies die uno saepe extrudit aedibus.  
Nescio pol quae illunc hominem intemperiae tenent;  
Pervigilat noctes totas: tum autem interdiu  
Quasi claudus sutor domi sedet totos dies.

*Ibidem. Scen. II.**EUCLIO, STAPHYLA.*

- Euc.* Nunc desaecato demum animo egredior domo,  
530. Postquam perspexi salva esse intus omnia.  
Redi nunc jam intrò, atque intus serva. *Sta.* Quippini.  
Ego intus servem? an ne quis aedes auferat?  
Nam hic apnd nos nihil est aliud quaesti furibus:  
Ita inaniis sunt oppletae, atque araneis.  
*Euc.* Mirum quin tuâ me causâ faciat Jupiter  
Philippum Regem, aut Darium, trivenesica.  
Araneas mihi ego illas servari volo.  
Pauper sum: fateor: patior: quod Dii dant fero.  
Abi intrò: occlude januam: jam ego hic ero:  
540. Cave quemquam alienum in aedis intromiseris.  
Quod quispiam ignem quaerat, extingui volo:  
Ne causae quid sit, quod te quisquam quaeritet.  
Nam si ignis vivet, tu extinguere extempulo.  
Tum aquam aufugisse dicio, si quis petet.  
Cultrum, securim, pistillum, mortarium,  
Quae utenda vasa semper vicini rogitant,  
Fures venisse, atque abstulisse dicio.  
Profectò in aedes meas, me absente neminem

Volo intromitti. Atque etiam hoc praedico tibi,

550. Si bona fortuna veniat, ne intromiseris.

*Sta.* Pol ea ipsa credo ne intromittatur cavit:

Nam ad aedis nostras nusquam adiit, quamquam prope est.

*Euc.* Tace, atque abi intrò. *Sta.* Taceo, atque abeo.

*Euc.* Occlude sis

Fores ambo bus pessulis. Jam ego hic ero.

Discrucior animi, quia ab domo abeundum est mihi.

Nimis hercle inuitus abeo. Sed quid agam, scio,

Nam noster nostrae qui est magister curiae,

Dividere argenti dixit nummos in viros.

Id si relinquo, ac non peto, omnes illicò

560. Me suspicentur, credo, habere aurum domi.

Nam non est verisimile hominem pauperem

Pauxillum parvi facere, quin numimum petat.

Nam nunc, quom celo sedulo omnis, ne sciant,

Omnes videntur scire: et me benignius

Omnes salutant, quam salutabant prius.

Adeunt: consistunt: copulantur dexteræ:

Rogitant me, ut valeam, quid agam, quid rerum geram.

Nunc quo profectus sum ibo, postidea domum

Me rursus, quantum potero, tantum recipiam.

### *Act. II. Scen. I. v. 44.*

*M E G A D O R U S.*

570. *Ego* virtute Deum et majorum nostrorum dives sum  
satis

Istas magnas factiones, animos, dotes dapsiles,

Clamores, imperia, eburata vehicula, pallas, purpuram,

Nihil moror, quae in servitutem sumptibus redigunt viros.

Senem Euclionem ex proxumo pauperculum

Novi, hominem haud malum me castor: ejus cupio filiam  
Virginem mihi desponderi: haec pauper placet:  
Ego convenientiam (hunc), si domi  
Est. Sed ecum, nescio unde sese homo recipit domum.

*Ibidem Scen. II.**EUCLIO MEGADORUS*

*Euc.* Praesagibat mihi animus, frustra me ire, quom  
exibam domo.

580. Itaque abibam invitus: nam neque quisquam Curialium  
Venit, neque magister, quem dividere argentum oportuit.  
Nunc domum properare propero. nam egomet sum hic,  
animus domi est.

*Meg.* Salvos, atque fortunatus, Euclio, semper sies.

*Euc.* Di te ament, Megadore. *Meg.* Quid tu? recten'  
atque ut vis vales?

*Euc.* Non temerarium est, ubi dives blande appellat  
panperem:

Jam illic homo aurum me scit habere: eo me salutat  
blandius.

*Meg.* Ain' tute valere? *Euc.* Pol ego haud a pecuniâ  
perbene.

*Meg.* Pol si animus est aequius tibi, satis habes, qui  
bene vitam colas.

*Euc.* annus hercle huic indicium fecit de auro; perspi-  
cue palam' st.

590. Quoi ego jam linguam praecidam, atque oculos effodi-  
am domi.

*Meg.* Quid tu solus tecum loquere. *Euc.* Meam paupe-  
riem conqueror.

Virginem, habeo grandem, dote cassam, atque inloca-  
bilem;

Neque eam queo locare quoiquam. *Meg.* Tace: bonum  
habe animum, Euclio:

Dabitur: adiuvabere a me: dic si quid opus est: impera,  
*Euc.* Nunc petit, quum pollicetur: inhiat aurum ut  
devoret.

Alterâ manu fert lapidem, panem ostentat alterâ.  
Nemini credo, qui large blandu'st dives pauperi.  
Ubi manum iniicit benigne, ibi onerat aliquam zamiam.  
Ego istos novi polypos, qui sibi quicquid tetigerint,  
tenent.

600. *Meg.* Da mihi operam parumper. Paucis, Euclio, est  
quod te volo

De communi re appellare, mea et tua. *Euc.* Hei mi-  
sero mihi!

Aurum mihi intus harpagatum est. Nunc hic eam  
rem volt: scio,

Mecum adire ad pactionem: verum intervisam domum.

*Meg.* Quoniam abis? *Euc.* Iam ad te revertar, namque  
est quod visam domum.

*Meg.* Credo aedopol, ubi mentionem ego facere de filia;  
Mihi ut despondeat, sese a me derideri rebitur;  
Neque illo quisquam est alter hodie ex paupertate  
parcior.

*Euc.* Di me seruant: salua res est: saluum est, si quid  
non perit

Nimis male timui: prius intro redii, exanimatus fui.

610. Redeo ad te, Megadore, si quid me vis. *Meg.* Habeo  
gratiam.

Quaesum, quod te percontabor, ne id te pigeat proloqui.

*Euc.* Dum quidem ne quid perconteris, quod mihi  
non lubeat proloqui.

*Meg.* Dic mihi, quali me arbitrare gener prognatum?

*Euc.* Bono.

*Meg.* Quid, fide? *Euc.* Bonâ. *Meg.* Quid, factis? *Euc.* Neque malis, neque improbis.

*Meg.* Aetatem meam scis? *Euc.* Scio esse grandem, itidem ut pecuniam,

*Meg.* Certe aedepol equidem te civem sine malâ omni malitiâ

Semper sum arbitratus, et nunc arbitror. *Euc.* Aurum huic olet.

Quid nunc me vis? *Meg.* Quoniam tu me, et ego te qualis sis, scio;

Quae res recte vortat, mihiique, tibique, tuaeque filiae,

620. Filiam tuam mihi uxorem posco: promitte hoc fore.

*Euc.* Hei, Megadore, haud decorum facinus tuis factis facis; Ut inopem atque innoxium abs te, atque abs tuis, me irrideas:

Nam de te neque re, neque verbis merui, ut faceres quod facis,

*Meg.* Neque aedepol te derisum venio, neque derideo: Neque dignum arbitrör. *Euc.* Cur igitur pescis meam gnatam tibi?

*Meg.* ut propter me tibi sit melius, mihiique propter te et tuos.

*Euc.* Venit hoc mihi in mentem, Megadore, te esse hominem divitem,

Factiosum: me item esse hominem pauperûm pauperum:

Nunc si filiam locassim meam tibi, in mentem venit,

630. Te bovem esse', et me esse asellum. Ubi tecum conjunctus siem,

Ubi onus nequeam ferre pariter: iaceam ego asinus in luto:

Tu me bos magis haud respicias, natus quasi nquam siem:

Et te utar iniquiore, et meus me ordo irrideat:  
 Neutrubi habeam stabile stabulum, si quid divertii suat,  
 Asini me mordicibus scindant: boves incusent cornibus.

Hoc magnum est periculum, me ab asinis ad boves  
 transcendere.

*Meg.* Quam ad probos propinquitate proxume te adiunxeris,

Tam optumum est. Tu conditionem hanc accipe: au-  
 sculta mihi:

Atque eam desponde mihi. *Euc.* At nihil est dotis  
 quod dem. *Meg.* Ne duas:

**640.** Dummodo morata recte veniat, dotata est satis.

*Euc.* Eo dico, ne me thesauros reperisse censeas.

*Meg.* Novi, ne doceas. Desponde. *Euc.* Fiat: sed tibi ...  
 proh Iupiter!

Num ego desperii? *Meg.* Quid est? *Euc.* Quid crepuit  
 quasi ferrum modo?

*Meg.* Nunc mihi despondes filiam? *Euc.* Illis legibus,  
 Cum illâ dote quam tibi dixi. *Meg.* Sponden' ergo?  
*Euc.* Spondeo.

Istuc Di bene vortant! *Meg.* Ita faxint? *Euc.* Illud  
 facito ut memineris

Convenisse, ut ne quid dotis mea ad te afferret filia.

*Meg.* Memini. *Euc.* At scio, quo vos pacto soleatis  
 perplexarier.

Pactum non pactum est, non pactum pactum est quod  
 vobis lubet.

**650.** *Meg.* Nulla controuersia mihi tecum erit: sed nuptias  
 Hodie quin faciamus, num quae causa est? *Euc.* Imo  
 aedepol optume.

*Meg.* Ibo igitur: parabo. Numquid me vis? *Euc.* Is-  
 tuc. *Meg.* Fiet. Vale.

Heus, Strobile, sequere propere me ad macellum strenue.

*Euc.* Illic hinc abiit. Di immortales, obsecro, aurum quid valet!

Credo ego iam illum inaudisse, mihi esse thesaurum domi;

Id inhiat: eâ affinitatem hanc obstinavit gratiâ.

---

*Ibidem Scen. III.*

*EUCLIO, STAPHYLA.*

*Euc.* Ubi tu es, quae deblaterasti iam vicinis omnibus Meae me filiae daturum dotem? Heus, Staphyla, te voco.

Ecquid andis? vascula intus pure propera atque elue.

660. Filiam despondi ego: hodie nuptum huic Megadoro dabo.

*Sta.* Di bene vortant! verum ecastor non potest: subitum est nimis.

*Euc.* Tace atque abi: curata fac sint, quom a fore redeam domum.

Atque occlude aedes: iam ego hic adero.

---

*Ibidem Scen. IV.*

*ANTHRAX, CONGRIUS, et Coqui alii.*

*An.* Postquam obsonavit herus, et conduxit coquos, Tibicinas que hasce apud forum, edixit mihi, Ut dispertirem obsonium hic bifariam: nuptias Hodie faciet. *Con.* Quoius ducit filiam?

*An.* Vicini huius Euclionis senis e proxumo?

Ei adeo obsoni hinc dimidium iussit dari,

670. Et cœcum alterum. *Con.* Quid hic non poterat de suo

*Senex suae obsonari filiae in nuptiis?*

*An.* Vah! *Con.* Quid negoti'st? *An.* Quid negoti' sit rogas?

Pumex non aequae est aridus, atque hic est senex.

*Con.* Ain' tandem ita esse ut dicis? *An.* Tute existuma.

Quin ,divom atque hominum clamat continuò fidem,

Suam rem periisse, seque eradicarier,

De suo tigillo fumus si quā exiit foras:

Quin quom it dormitum, follem sibi obstringit ob gulam.

*Con.* Cur? *An.* Ne quid animae forte amittat dormiens?

680. *Con.* Etiamne obturat inferiorem gutturem,

Ne quid animai forte amittat dormiens?

*An.* Haec mihi te, sicut tibi me, aequum est credere.

*Con.* Imo equidem credo. *An.* At. scin' etiam quo modo?

Aquam hercle plorat, quom lavat, profundere.

*Con.* Censen' talentum magnum exorari potesse

Ab istoc sene, ut det, qui fiamus liberi?

*An.* Famem hercle utendam, si roges, numquam dabit.

*Con.* Aedepol mortalem parcè parcum praedicas.

Censen, vero adeo parcè et miserè vivere?

690. *An.* Pulmentum pridem eidem eripuit milvius:

Homo ad praetorem deplorabundus venit:

Infit ibi postulare, plorans, eiulaīs,

Ut sibi liceret, milvum vadairier.

Sexcenta sunt, quae memorem, si sit otium,

### *Ibidem Scen. VI.*

*ANTHRAX, STAPHYLA, CONGARIO. et Coqui.*

*An.* Heus, Staphyla, prodi, atque ostium aperi; *Sta.*  
Quis vocat?

*An.* Anthrax. *Sta.* Quid vis? *An.* Hos ut accipias co-  
quos, obsoniumque in nuptias.

Megadorus jussit Euclioni haec mittere.  
Duc istos intro. *Sta.* Sequimini.

---

*Ibidem Scen. VIII.*

*EVCLIO, CONGRIO.*

*Euc.* Volui animum tandem confirmare hodie meum,

700. Ut bene haberem filia in nuptiis.

Venio ad macellum; rogito pisces: indicant  
Caros; agninam caram, caram bubulam,  
Vitulinam, cetum, porcinam, cara omnia:  
Atque eo fuerunt cariora, aes non erat:  
Abeo iratus illinc, quoniam nihil est qui emam.  
Ita illis impuris omnibus adii manum.  
Deinde egomet mecum cogitare inter vias  
Occepit, Festo die si quid prodegeris,  
Profesto egere liceat, nisi peperceris.

710. Postquam hanc rationem cordi, ventrique edidi;

Accessit animus ad meam sententiam,  
Quam minimo sumptu filiam ut nuptum darem.

Nunc tusculum emi, et hasce coronas floreas:

Haec imponentur in foco nostro Lari,

Uti fortunatas faciat gnatae nuptias:

Sed quid ego apertas aedes nostras conspicor?

Et strepitu' st intus, num-nam compilor miser?

*Con.* Aulam maiorem si potes, vicinia

Pete: haec est parva, capere non quit. *Euc.* Hei mihi

720. Perii hercle; aurum rapitur, aula quaeritur.

Nimirum occidor, nisi ego huc proprio currere.

Apollo, quaeso subveni mihi, atque adiuva,

Confige sagittis fures thesaurarios.

Quoi in re tali iam subvenisti antidhac.

Sed cesso prius, quam prorsus perii, currere?

*Ibid. Scen. IX.**ANTHRA X.*

Dromo desquamam piscis: tu, Machaerio,  
 Congrum, murenam exdorsua, quantum potes:  
 Atque omnia, dum absum hinc, exossata fac sient.

Ego hinc artoptam ex proxumo utendam peto

730. A Congrione. tu istum gallum, si sapis,  
 Glabriorēm reddes mihi, quam volsus ludiu'st.,  
 Sed quid clamoris oritur hinc ex proxumo?  
 Coqui hercle, credo, faciunt officium suum.  
 Fugiam intro, ne quid hic turbae fiat itidem.

*Act. III. Scen. I.**CONGRI O.*

Optati cives, populares, incolae, accolae, advenae omnes,  
 Date viam quā fngere liceat: facite totae plateae pateant:  
 Neque ego umquam, nisi hodie ad Bacchus veni in  
 Bacchanal coquinatum,

Ita me miserum et meos discipulos fustibus male con-  
 tuderunt.

Totus doleo, atque oppido perii, ita me iste habuit  
 senex gymnasium.

740. Neque ligna ego umquam gentium praebere vidi pul-  
 chrius:

Itaque omnes exegit foras, me, atque hos onustos  
 fustibus.

At at, perii hercle ego miser! aperit: Bacchanal! adest.  
 Sequitur. Scio quam rem geram: hoc ipsus magister  
 me docuit.

*Ibid. Scen. II.**EUCLIO, CONGRIO.*

*Euc.* Redi: quo fugis nunc? tene, tene. *Con.* Quid, stolidi, clamas?

*Euc.* Quia ad tres viros iam ego deferam tuum nōmen, *Con.* Quamobrem?

*Euc.* Quia cultrum habes. *Con.* Cocum decet. *Euc.* Quid comminatus

Mihi? *Con.* Isthuc malefactum arbitror, quia non latus fodi.

*Euc.* Homo nullus est te scelestior, qui vivat hodie! Neque quoi ego de industriā amplius male plus lumbens faxim.

750. *Con.* Sed qui tibi nos, mendice homo, tactio est? quae res est?

*Euc.* Etiam rogitas? an quia minus quam aequom erat, feci? *Con.* Sine.

*Euc.* Sed in aedibus quid tibi meis nam erat negoti, Me absente, nisi ego iusseram? volo scire. *Con.* Tace ergo.

Quia venimus coctum ad nuptias. *Euc.* Quid tu, malum, curas.

Utrum crudum, an coctum edim? nisi tu mihi es tutor? Si ad ianuam huc accesseris, nisi iussero, propius, Ego te faciam miserrimus mortalis uti sis.

Scis iam meam sententiam? quo abis? redi rursum.

*Con.* Ita me bene amet Laverna, te iam nisi reddi

760. Mihi vasa iubes, pipulo hic differam te ante aedis.

Quid ego nunc agam? nāe ego edepol veni huc auspicio malo.

Nummo sum conductus: plus jam medico mercede opus est.

*Ibid. Scen. III.**EUCLIO, CONGRIO.*

*Euc.* Hoc quidem hercle, quoquo ibo nunc, mecum  
erit; mecum feram:

Neque istuc in tantis periclis umquam committam  
ut sief..

Ite sane nunc iam intrò omnes, et Coqui!, et tibi-  
cinae.

Etiam hoc introduce, si vis, vel gregem venalium.  
Coquite, facite, festinate nunc iam quantum lubet.

*Con.* Heu, senex, pro vapulando, hercle, ego abs te  
mercedem petam.

*Ibid. Scen. IV.**EUCLIO.*

Illic hinc abiit. Di immortales! Facinus audax incipit,  
770. Qui cum opulento pauper homine coepit rem habere  
aut negotium.

Veluti Megadorus tentat me omnibus miserum modis.  
Qui simulavit mei honoris mittere luc causâ coquos,  
Is eâ causâ misit, hoc qui surriperent misero mihi,  
Condigne etiam meus me intus gallus gallinaceus,  
Qui erat anui peculiaris, perdidit paenissime.  
Ubi erat haec defossa, occipit ibi scalpurire unguis  
Circumcircâ. Quid opus est verbis? ita mihi pectus  
peracuit:

Catio fustem: obtrunco gallum, furem manifestarium.  
Credo ego aedepol illi mercedem gallo pollicitos  
coquos,

780. Si id palam fecisset. Exemi e manu manubrium.

Quid opus est verbis? facta est pugna in gallo gallinaceo.

---

*Act. IV. Sc. I.**S T R O B I L V S.*

Hoc est servi facinus frugi. facere quod ego persequor  
Ne morae molestiaeque imperium herile habeat sibi.  
Nam qui hero ex sententiâ servire servus postulat,  
In herum matnra, in se sera condecet capessere.  
Sin dormitet, ita dormitet, servom sese ut cogitet.  
Nam qui amanti hero servitutem servit, quasi ego  
servio,

Si herum videt superare amorem hoc servi esse officium reor,

Retinere ad salutem; non eum, quo incumbat eo impellere.

790. Quasi pueris, qui nare discunt, scirpea induitur ratis,  
Qui laborent minus, facilius ut nent, et moveant manus:

Eodem modo servom ratem esse hero aequum censeo,  
Ut toleret, ne pessum abeat: tanquam (catapirateria)  
Herile imperium ediscat, ut quod frons velit, oculi  
sciant.

Quod iubeat, citis quadrigis citius properet persequi.  
Qui ea curabit, abstinebit censione bubulâ.

Nec suâ operâ rediget umquam in splendorem compedes.

Nunc herus meus (Lyconides) amat filiam hujus Euclionis pauperis:

Eam hero nunc renniciatum' st nuptum Megadoro dari.

800. Is speculatum hue misit me, ut, quae fierent, fieret  
particeps.

Nunc sine omni suspicione in arâ hic assidam sacrâ.  
Hinc ego et huc et illuc potero, quid agant, arbitrari.

---

*Sceu. II.*

*EUCLIO et STROBILUS,*

*Euclio, exiens e templo fidei in quo aulam depositus, haec secum;*

*Tu modo cave quoiquam indicassis aurum meum esse istic, Fides.*

*Non metuo ne quisquam inveniat: itâ probe in Latbris situm' st.*

*Edepol! nae ille pulchram praedam agat, si quis illam invenerit*

*Aulam onustam auri! Verum id te quaeso ut prohibesis, Fides.*

*Nunc Lavabo ut rem divinam faciam, ne affinem morer,  
Quin ubi arcessat me meam extempro filiam ducat domum.*

810. *Vide Fides, etiam atque etiam nunc salvam nt aulam abste auferam.*

*Tuae fidei concreddi atrum: in tuo fano modo' st situm.*

*Str. Di immortales! quod ego hunc hominem facinus audis loqui?*

*Se aulam onustam auri abstrusisse hic intus in fano.  
Fides,*

*Cave tu illi fidelis, quaeso, potius fueris quam mihi.  
At que hic pater est, ut ego opinor, hujus herus meum quam amat.*

*Ibo hinc intro: perscrutabor fanum, si inveniam uspiciam*

Aurum, dum h̄ic est occupatus: sed si repperero, ô  
Fides,  
Mulsī Congialem plenam faciam tibi fideliam.  
Id adeo tibi faciam: verū ego mihi bibam, ubi id  
fecero.

---

*Scen. III.*

*EUCLIO, STROBILUS in recessu.*

820. *Euc.* Non temere'st qnod Corvos cantat mili nunc  
ab laevâ manu.  
Semel radebat pedibus terram, et voce crocitabat suā:  
Continuò cor meum coepit artem facere Indicram  
Atque in pectus emicare. Sed ego cesso currere?
- 

*Ibid. Scen. IV.*

*EUCLIO, STROBILUS.*

- Euc.* Foras, foras, lumbrice, qui sub terrā erepsisti  
modò,  
Qui modò nusquam comparebas, nunc, quom compares,  
peris.  
Ego aedepol te, praestigiator, miseris jam accipiam  
modis.  
*Str.* Quae te mala crux agitat? quid tibi mecum est  
commerci, senex?  
Quid me afflictas? quid me raptas? quā me caussâ  
verberas?  
*Euc.* Verberabilissime, etiam rogitas? non fur, sed  
trifur.  
830. *Str.* Quid tibi subripui? *Euc.* Redde luc sis. *Str.*  
Quid tibi vis reddam? *Euc.* Rogitas?

*Str.* Nihil equidem tibi abstuli. *Euc.* At, illud, quod tibi abstuleras, cedo.

*Hem* quid agis? *Str.* Quid agam? *Euc.* auferre non potes. *Str.* Quid vis tibi?

*Euc.* Pone hoc, sis: aufer cavillam: non ego nunc nugas ago.

*Str.* Quid ego ponam? quin tu eloquere, quicquid est, suo nomine.

Non, hercle, equidem quicquam sumsi, nec tetigi. *Euc.* Ostende huc manus?

*Str.* Hem tibi? *Euc.* ostende. *Str.* eccas. *Euc.* Video, age ostende tertiam.

*Str.* Larvae hunc, atque intemperiae, insaniaeque agitant senem.

Facisne injuriam mihi, an non? *Euc.* Fateor, quia non pendes, maxumam.

Atque id quoque jam fiet, nisi fatere. *Str.* Quid fatear tibi?

840. *Euc.* Quid abstulisti hinc? *Str.* Di me pardant, si ego tui quicquam abstuli,

Nive adeo abstulisse vellem. *Euc.* Agedum excutendum pallium.

*Str.* Tuo arbitratu. *Euc.* Ne inter tunicas habeas. *Str.* Tenta quâ lubet.

*Euc.* Vah, scelestus, quam benigne? ut ne abstulisse intellegam.

Novi sycophantias. Age rursum, ostende huc manum Dexteram. *Str.* Hem. *Euc.* Nunc laevam ostende. *Str.*

Quin equidem ambas profero.

*Euc.* Jam scrutari mitto; reddé huc. *Str.* Quid reddam?

*Euc.* Vah! nugas agis,

Certe habes. *Str.* Habeo ego? quid habeo? *Euc.* Non dico: audire expetis.

Id meum quiequid habes, redde. *Str.* Insanis: perseru-  
tatus es

Tuo arbitratu, neque tui me quidquam invenisti penes.  
850. *Euc.* Mane, mane, quis illic est, qui hic intus alter  
erat tecum simul?

Perii hercle! ille nunc intus turbat: hunc si amitto,  
hic abierit.

Postremò jam nunc perserutavi, hic nihil habet. Abi  
quò lubet.

Jupiter te Dique omnes perdant: *Str.* hand male agit  
gratias.

*Euc.* Ibo intrò, atque illi socio tuo jam interstringam  
gulam.

Fugin' hinc ab oculis? abin' an non? *Str.* Abeo. *Euc.*  
Cave sis te videam.

---

*Ibid. Scen. V.**STBR O IL S.*

Emortuum ego me mavelim letho malo,  
Quàm iam non ego illi dem hodie insidias seni.

Non hic jam non audebit aurum abstrudere.

Credo, referet jam secum, et mutabit locum.

860. Atat! foris crepuit. Senex eccum aurum effert foras.  
Tantisper híc ego ad januam concessero.

---

*Ibid. Scen. VI.**E U C L I O.*

Fidei censem maxumam multò fidem

Esse. Ea sublevit os mihi paenissume.

Ni subvenisset corvos, periisse miser,

Nimis hercle ego illum corvom ad me veniat velim;

Qui indicium fecit, ut ego illi aliquid boni

Dicam: nam quod edit, tam duim quam perduim  
 Nunc, hoc ubi abstrudam, cogito solum locum.  
 Silvani lucus extrà murum est avius,

- 870.** Crebro salicto oppletus, ibi sumam locum.  
 Certum'st: Silvano potius credam, quam Fide,  
**Str.** Euge, Euge! dii me salvom et servatum volunt.  
 Jam ego illuc praecurram, atque inscendam aliquam  
 in arborem:  
 Indeque observabo, aurum ubi abstrudat senex.  
 Quamquam hic manere herus me sese insserat;  
 Certum'st, malam rem potius quaeram cum lucro.

*Ibid. Scen. VIII.**STROBILVS.*

Illos divitiis, qui aureos montes colunt,  
 Ego solus supero: nam istos reges caeteros  
 Memorare nolo, hominum mendicabula.

- 880.** Ego sum ille Rex Philippus. O lepidum diem!  
 Nam ut dudum hinc abii, vidi ubi aurum abstrudebat  
 senex  
 Effodio aulam auri plenam; inde exeo; illico  
 Video recipere se senem. Ille me non videt.  
 Nam ego modo declinavi paulum me extrà viam.  
 At, at! eccum ipsum. Ibo, ut hoc condam, domum

*Ibid. Scen. IX.**EUCLIO, LYCONIDES.*

- Euc.** Solus. Perii! interii! occidi! quo curram? quo  
 non curram?  
**Tene,** tene: quem? quis? nescio: nihil video:  
 caecus eo: atque

E quidem quò eam, aut ubi sim, aut qui sim, nequeo  
cum animo

Certum investigare. Obsecro vos ego, mihi auxilio,  
890. Oro, obtistor, sitis: et hominem demonstretis, qui eam  
abstulerit,

Qui vestitu et cretā occultant sese, atque sedent quasi  
sint frugi.

Quid ais tu? tibi credere certum est: nam te esse  
bonum e voltu cognosco.

Quid est? quid ridetis? novi omnes. Scio fures esse  
hic compluris.

Hem; nemo habet horum! occidisti. Die igitur, quis  
habet? nescis!

Heu me miserum, miserum! peri male perditus!  
pessume ornatus eo.

Tantum gemiti et malae moestitiae hic dies mihi  
obtulit.

Famem et panperiem: perditissimus ego sum omnium  
in terrâ:

Nam quid mihi opus est vitâ, qui tantum auri perdidi,  
Quod custodivi sedulo: egomet me defraudavi,

900. Animumque meum, geniumque meum: nunc eo alii  
laetificantur

Meo malo et damno: pati nequeo.

*Ly.* Quinam homo hic ante aedis nostras eiulans con-  
queritur moerens?

Atque hic quidem Euclio est. Est, opinor. oppidò ego  
interii, palam est res.

Is nuptum dari Megadoro filiam statuerat:

Hoc ubi scivi, clam subito rapui virginem, quam mā-  
tri meae servandam tradidi, pro quo facto,

Me Megadorus renuntiare repudium iussit Euclioni.  
( Hic etiam )

Scit (raptam) a me, ut ego opinor, filiam suam.  
 Nunc mihi incertum est  
 Quid agam? abeam, aut maneam? an adeam? an  
 fugiam? quid agam aedepol nescio.

*Ibid. Scen. X.*

- Euc.* Quis homo hic loquitur? *Lyc.* Ego sum *Euc.*  
 imò ego sum miser, et misere perditus,  
 910. Quoi tanta mala, moestitudoque obtigit. *Lyc.* Animobono es.
- Euc.* Quo, obsecro, pacto esse possum? *Lyc.* Quia  
 istuc facinus, quod tuum  
 Sollicitat animum, id ego feci et fateor. *Euc.* Quid  
 ego ex te audio?
- Lic.* Id quod verum est. *Euc.* Quid ego emerui,  
 adolescens, mali,  
 Quamobrem ita faceres, meque meosque perditum ires  
 liberos?
- Lyc.* Deus mihi impulsor fuit; is me ad illam inlexit.  
*Euc.* Quo modo?
- Lic.* Fateor me peccavisse, et me hanc culpam commer-  
 ritum scio.
- Id adeo te oratum advenio, ut animo aequo ignoscas mihi.
- Euc.* Cur id ausus facere, ut id, quod non tuum  
 esset tangeres?
- Lic.* Quid vis fieri? factum est illud, fieri infectum  
 non potest,
920. Deos credo voluisse? nam ni vellent: non fieret, scio.
- Euc.* At ego Deos credo voluisse, ut apud me te in  
 nervo enicem?
- Lyc.* Ne istuc dixis *Euc.* Quid tibi ergo meam, me  
 invito, tactio est?

*Lyc.* Quia vini vitio atque amoris feci. *Euc.* Homo audacissime,

Cum istacin' te oratione huc ad me adire ausum, impudens?

Nam si istuc ius est: ut sic tu istuc excusare possies,  
Luce claro deripiamus aurum matronis palam;

Post id, si prehensi simus, excusemus ebrios.

Nos fecisse vini caussa? nimis vile'st vinum atque amor,  
Si ebrio atque amanti impune facere, quod lubeat, licet.

230. *Lyc.* Quin tibi ultro supplicatum venio ob stultitiam meam.  
*Euc.* Non mihi homines placent, qui quando male fecerunt, purgant.

Tu illam scribas non tuam esse, non attractam oportuit.

*Lyc.* Ego quia sum tangere ausus, haud caussificor  
quin eam

Ego habeam potissimum. *Euc.* Tun' habeas, me in-vito, meam?

*Lyc.* Hand, te invito, postulo: sed meam esse oportere arbitror.

Quin tu eam invenies, inquam, meam illam esse oportere, Euclio.

*Euc.* Nisi refers.... *Lyc.* Quid tibi ego referam? *Euc.*  
Quod subripuisti meum.

Jam quidem ad praetorem, hercle, te rapiam, et tibi  
scribam dicam.

*Lyc.* Surripi ego tuum? unde? aut quid id est? *Euc.*  
Ita te amabit Juppiter,

940. Ut tu nescis? *Lyc.* Nisi quidem tu mihi, quid quaeras,  
dixeris.

*Euc.* Anlam auri, inquam, te reposco, quam tu confessus mihi

Te abstulisse. *Lyc.* Neque aedepol ego dixi, neque feci,

*Euc.* Negas?

*Lyc.* Pernego imo, nam ego neque aurum, neque ista  
aula quae siet

*Scio,* nec novi. *Euc.* Illam, ex Silvani luce quam ab-  
stuleras, cedo.

*I.*, refer. dimidiam tecum potius partem dividam.

Tametsi fur mihi es, molestus non ero: i verò, refer.

*Lyc.* Sanus tu non es, qui farem me voces. Ego te,  
Euclio,

De aliâ re rescivisse censui, quod ad me attinet.

Magna est res, quam ego tecum otiose, si otium est,  
cupio loqui.

950. *Euc.* Dic bona fide, tu id aurum non surripiisti? *Lyc.* Bonâ.

*Euc.* Neque scis, quis abstulerit? *Lyc.* Istuc quoque  
bonâ. *Euc.* Atque id si scies,

Qui abstulerit, mihi indicabis? *Lyc.* Faciam. *Euc.*  
Neque partem tibi

Ab eo, qui qui est, inde posces, neque farem excipies?

*Lyc.* Ita.

*Euc.* Quid si fallis? *Lyc.* Tum me faciat, quod volt  
magnus Jupiter.

*Euc.* Sat habeo. Age nunc loquere, quid vis? *Lyc.* Si  
me novisti minus,

Genere qui sim gnatus: hic mihi est Megadorus avon-  
culus;

Méus fuit pater Antimachus; ego vocor Lyconides:

Mater est Eunomia. *Euc.* Novi genus. Nunc quid vis?  
id volo

Noscere. *Lyc.* Filiam ex te tu habes. *Euc.* Imo eccil-  
lam domi.

960. *Lyc.* Eam tu despondisti, opinor, meo avonculo:  
(Quod ut scivi, eam rapui mihi, et matri meae ser-  
vandam tradidi.

Tum) is me nunc renunciare repudium jussit tibi.

*Euc.* Repudium, rebus paratis, atque exornatis nuptiis!  
Ut illum Di immortales omnes Deaeque, quantum est,  
perduint,

Quem propter hodie auri tantum perdidi, infelix, miser!  
(Et tu mihi, mons malorum, adhuc gnatam rapuisti?)  
*Lyc.* Bono animo es, et benedice. Nunc te obtestor,

Euclio,

Si quid ego erga te imprudens peccavi, aut gnatam  
tnam,

Ut mihi ignoscas, eamque uxorem mihi des, ut leges  
jubent:

970. *Euc.* Hei mihi, quod facinus ego ex te audio? perii  
oppido,

Ita mihi ad malum malae res plurimae se agglutinant.  
Ibo intro, ut quid hujus veri sit sciām. *Lyc.* Jam te  
sequor.

---

*Act. V. Scen. I.*

*STROBILUS, LYCONIDES.*

*Str.* Di immortales, quibus et quantis me donatis gau-  
diis!

Quadrilibrem onlam auro onustam habeo: quis me est  
dixitior?

Quis me Athenis nunc magis quisquam est homo, quo  
Di sint propiti?

*Lyc.* Certo enim ego vocem hic loquentis modo me  
audire visus sum.

*Str.* Herum ne aspicio meum? *Lyc.* Videon' ego hunc  
Strobilum servom meum.

*Str.* Ipsus est. *Lyc.* Haud alias est. *Str.* Congrediar.  
*Lyc.* Contollam gradum.

*Str.* Quin ego illi me invenisse dico hanc praedam  
atque eloquor?

980. *Igitur* orabo, ut manu me mittat. Ibo atque eloquar:  
*Reperi.* *Lyc.* Quid reperisti? *Str.* Non quod pueri  
clamitant,

In fabâ se reperisse? *Lyc.* Jam ne autem, nt soles,  
deludis?

*Str.* Here, mane: eloquar. Jam ausculta. *Lyc.* Age er-  
go loquere. *Str.* Reperi hodie,

Here, divitias nimias. *Lyc.* Ubinam? *Str.* Quadrili-  
brem, inquam, aulam auri plenam.

*Lyc.* Quod ego facinus audio ex te? *Str.* Euclioni  
huic seni subripui,

*Lyc.* Ubi est aurum? *Str.* In arcâ apud me. Nunc  
volo me emitti manu.

*Lyc.* I, redde aurum. *Str.* Reddam ego aurum?

*Lyc.* Redde inquam? ut huic reddatur: „Te manu  
mittam.

*Str.* „Itane spondes? *Lyc.* Spondeo. *Str.* Jura per Jovem.

990. *Lyc.* „Juro. Quod jubet, faciam. Sed me cito expedi sis.

*Str.* „Satis: ut ego aurum apportem, eo. *Lyc.* I pega-  
seo gradu, et vorans viam redi.

### *Ibid. Scen. VI.*

#### *LYCONIDES, EUCLIO, STROBILUS.*

*Lyc.* „O Euclio, Euclio! *Euc.* Quid est? *Lyc.* Descende  
ad nos, nam Di te servatum volunt.

„Habemus aulam. *Euc.* Habetisne? an me deluditis?

*Lyc.* „Habemus, inquam; modo, si potes, huc advola.

*Euc.* „O magne Jupiter? o Lar familiaris! et  
Regina Juno, et noster thesaurarie

,,Alcide, tandem miseremini miserum senem,  
Oh! oh. quām lātis, aula, tibi amicus senex  
Complector ulnis, et te dulci capio osculo?

1000. Expleri nequeo mille vel complexibus  
O spes; o cor! luctum depulverans meum.  
,,At cui meritas referam grates? an Diis? qui bonos.  
Respectant homines? an amicis, rectis viris?  
An utrisque? utrisque potius et primum tibi  
Lyconide, principium et autor tanti boni.  
,,Hâc ego te (quondam) aulâ condonabo: (interea)  
Tuam (uxorem) hanc esse volo, filiam meam.  
Lyc. „Accipio, et Euclionis volo mea sit domus.  
Str. „Quod restat, here, nūnc memento, ut sim liber.  
1010. Lyc. „Recte monuisti: esto merito liber tuo  
„O Strobile, et turbatam jam intus coenam para.  
Str. „Vos, Spectatores, si fabula perplacuit, clare plau-  
dite.
-